

## 2021eko EKAINAREN 16ko OSOKO BILKURAKO AKTA.

Tokia: Berako Herriko Etxea.  
Eguna: 2021-06-16.  
Hasiera ordua: 19:35.  
Bilkura mota: ohikoa, 1. deia.

### BERTARATUAK:

#### EH BILDU

Jose Esteban Aguirre Zubieta  
Estibaliz Pinacho Olaciregui  
Julen Errandonea Martin

Josu Iratzoki Agirre

Maialen Chantre Irazoki

#### HERRIRAKO

Jose Antonio Oyarzabal Iribas  
Nahuel Maximiliano Ibarburi Lompre  
Raquel Quiroga Tapia

### ALDEZ AURRETIK JUSTIFIKATU GABEKO EZ EGOTEAK:

M. Aranzazu Zubieta Ochoteco  
Germán Castillo Lazcanotegui

### ALKATEA (Bilkurako buru):

Aitor Elexpuru Egaña

IDAZKARIA: Miguel José Belarra Tellechea, ekintzaren akta jasotzen du.

EZTABAIDATUTAKO GAIK (behar bezala egindako deialdiaren Gai Zerrendan sartu zirenak):

### 1. AURREKO BILKURAKO AKTAREN ONARPENA.

Alkateak galdetu du zinegotziren batek oharren bat egin nahi ote dion deialdiarekin batera banatu zen aurreko bilkurako aktari (2021/06/09). Inork ez du azalpenik egin eta **aho batez** onartzen da akta.

### 2. 2021EKO PLANTILLA ORGANIKOA ALDATZEA (KONTU-HARTZAILE LANPOSTUA A MAILARA IGOTZEA). HASIERAKO ONARPENA.

Ikusirik:

- 2020ko azaroaren 23ko osoko bilkuran hasiera batean onartu zela Berako Udaleko eta Musika Eskolako langileen 2021eko plantilla organikoa. Behin betiko onespina 2021eko urtarrilaren 11ko 5. zenbakiko Nafarroako Aldizkari Ofizialean argitaratu zen (administrazio-kontratua duten aldi baterako langileen izen-zerrendan egindako akatsa zuzendu zen 2021eko otsailaren 2ko 24. zenbakiko NAOko iragarkian).

- Nafarroako Toki Administrazioaren Erreformari buruzko otsailaren 4ko 4/2019

PL210616. DATU PERTSONALAK DISOZIATU EGIN DIRA.

Foru Legearen bosgarren xedapen iragankorrak honako hau ezartzen duela:

*“1. Foru lege honek indarra hartu eta bederatzi hilabeteko epean, Foru Komunitateko Administrazioak, behin bakarrik, behar diren jarduketak egingen ditu Nafarroako Toki Administrazioari buruzko uztailaren 2ko 6/1990 Foru Legearen 247.1 artikuluan aurreikusitako merezimendu lehiaketaren deialdia egiteko, arau horren 247.2 eta 247.3 artikuluetan sartuta eta hutsik dauden B taldeko kontu-hartzaile lanpostuak betetzeko.*

*2. Lehiaketa ebatzi eta sei hilabeteko epean, B taldeko gaikuntza izan baina A mailako titulazioa duten funtzionarioek betetzen dituzten B taldeko kontu-hartzaile lanpostuak A taldeari atxikiko zaizkio.*

*3. B taldeko funtzionario gaituek A mailako titulazioa badute, toki entitate bakoitzaren esparrura mugaturiko hautaprobak gaindituz A taldera igo ahalko dira, horretarako jarraikiz Nafarroako Administrazio Publikoen zerbitzuko langileen Estatutuaren testu bategina onesten duen abuztuaren 30eko 251/1993 Legegintzako Foru Dekretuko 15.6 artikulua xedatzen duenari. [...]”*

- 2021eko ekainaren 11ko Alkatetzaren probidentziaren bidez, 2021eko plantilla organikoa aldatzeko espedientea hastea xedatu zela, transkribatutako xedapenak eraginda.

- Idazkariak eta kontu-hartzaileak txostenak egin dituztela.

- Alkateak idatzi duela aldaketa proposamena.

Azaldutakoan oinarriturik, baita aipatutako Alkatetzaren probidentziaren arazoiketaren ere, eta kontuan izanik aplikagarria den araubideak ezartzen duena,

#### **aho batez ERABAKITZEN DA:**

1. Udaleko langileen 2021eko plantilla organikoaren aldaketari hasierako onespena ematea, honela:

Plantilla Organikoaren aldaketa (lanpostu berria sortzea):

\* Lanpostua: kontu-hartzailea.

Kopurua: 1.

Araubide juridikoa: funtzionarioa.

Maila: A.

Lanpostuko osagarria, %7,50.

Bateraezintasuneko osagarria, %35.

Aginte osagarria, %18.

Prest egoteko osagarria, %7.

Sarbidea: barne-sustapen mugatua (251/1993 LFDren 15.6 artikulua).

Laneko egoera: hutsik.

Euskara maila: C1 (ahoz eta idatziz).

Kontu-hartzaileak A mailara igotzea lortzen badu, plantillako B mailako kontu-hartzailearen lanpostua amortizatuko da.

2. Espedientea jendurrean jartzea 15 eguneko aldi, Nafarroako Aldizkari Ofizialean eta udal iragarki taulan iragarrita, nahi duenak aztertu eta erreklamazioak aurkez ditzan.

3. Ohartaraztea jendurreko erakustaldian erreklamaziorik aurkezten ez bada, plantillaren aldaketa behin betiko onartutzat joko dela.

4. Erabaki hau jakinaraztea udal kontu-hartzaileari.

### **3. KONTU-HARTZAILE POSTUA A MAILARA IGOTZEAREN KUDEAKETA NAFARROAKO GOBERNUKO TOKI ADMINISTRAZIOAREN ETA DESPOPULAZIOAREN ZUZENDARITZA NAGUSIARIAREN KARGU UZTEA.**

Alkateak eta idazkariak azalpenak eman ondoren, honako erabaki hau hartu da:

Ikusirik:

- Nafarroako Toki Administrazioaren Erreformari buruzko otsailaren 4ko 4/2019 Foru Legearen Bosgarren Xedapen Iragankorrean xedatutakoa oinarri hartuta, Osoko Bilkurak erabaki duela hasiera batean onestea Udaleko langileen 2021eko plantilla organikoaren aldaketa, A mailako kontu-hartzaile lanpostua sortzea xede. Lanpostu hori betetzeko prozedura Nafarroako Administrazio Publikoen Langileen Estatutuaren Testu Bateginaren 15.6 artikuluko barne-sustapen murriztua izanen da.

- Nafarroako Gobernuo Toki Administrazioaren eta Despopulazioaren Zuzendaritza Nagusiak barne-sustapeneko prozedura hori egin dezakeela, kudeaketa haren kargu uzten bada.

Azaldutakoan oinarrituta, eta Sektore Publikoaren Araubide Juridikoaren urriaren 1eko 40/2015 Legearen 11. artikuluan eta aplikatzekoak diren gainerako arauetan ezarritakoa kontuan hartuta,

**aho batez ERABAKITZEN DA:**

1. Nafarroako Gobernuo Toki Administrazioaren eta Despopulazioaren Zuzendaritza Nagusiaren kargu uztea kontu-hartzaile lanpostua (gaur egun B mailakoa) A mailara igotzeko prozeduraren kudeaketa.

2. Alkatea gaitzea dagokion hitzarmena sinatzeko.

3. Erabaki hau jakinaraztea Toki Administrazioaren eta Despopulazioaren Zuzendaritza Nagusiari eta udal kontu-hartzaileari.

### **4. 2021/6 ZENBAKIKO AURREKONTU-ALDAKETA. APARTEKO KREDITUA. IBARDINGO EURI-UREN SAREKO OBREN PROIEKTUA. HASIERAKO ONESPENA.**

Alkateak espedientea eta idazkariak prozedura azaldu ondoren, erabaki hau hartu da:

PL210616. DATU PERTSONALAK DISOZIATU EGIN DIRA.

Ikusirik:

- Udalak beharrezkotzat jotzen duela finantzen aldetik jasagarriak diren zenbait inbertsio egitea, Aurrekontu Egonkortasunari eta Finantza Iraunkortasunari buruzko apirilaren 27ko 2/2012 Lege Organikoaren seigarren xedapen gehigarriko programataldeetakoak.

- Martxoaren 18ko 68/2021 Alkatetzaren Ebazpenaren bidez onetsi zela 2020ko Aurrekontuaren likidazioa.

- Kontu-hartzaileak 2021eko ekainaren 14an egindako txostenak adierazten duela aurrekontua aldatzeko espedientea izapidetu behar dela, ezohiko kreditua, gastu-partida honetarako:

1-1601-60901. Ibardingo euri-uren sarea eraberritzea eta handitzea. 17.765,22 €.  
Zenbatekoa, guztira: 17.765,22 €.

- Txosten horretan proposatzen dela gastu orokorretarako diruzaintzako gerakina den 1-87000 partidaren kargura finantzatzea, 17.765,22 euroko zenbatekoan.

Nafarroako Toki Ogasunei buruzko 2/1995 Foru Legearen 202., 213. eta 214. artikuluei eta indarrean dagoen Aurrekontuko 9. Exekuzio Oinarriari jarraikiz,

**aho batez ERABAKITZEN DA:**

1. Hasierako onespena ematea 2021/6 zenbakia duen aipatu aurrekontu-aldaketari (aparteko kreditua).

2. Jendurrean jartzea espedientea 15 eguneko aldi, udal iragarki taulan iragarrita, nahi duenak aztertu eta erreklamazioak aurkez ditzan.

3. Ohartaraztea ezen, jendurreko erakustaldian erreklamaziorik aurkezten ez bada, hasierako onespeneren erabakia behin betiko onetsitatzat joko dela, eta jendurrean jartzeko aldia igarotakoan jarriko dela indarrean.

Erreklamazioak edo alegazioak eginez gero, osoko bilkurak berariazko erabakia hartu beharko du erreklamazio edo alegazio horien ebazpenari eta proposatutako aldaketaren behin betiko onespenerari buruz, eta behin betiko testua udal iragarki taulan argitaratu ondoren jarriko da indarrean.

## **5. OIHAN ENKANTEA NAFARROAKO ONURA PUBLIKOKO MENDIEN KATALOGOKO 638 ETA 639 ZENBAKIKO MENDI KOMUNALETAN, "ARRANOKO HARRIA", "IASOLA", "ASKAERREKA" ETA BESTE PARAJE BATZUK.**

Ikusirik Nafarroako Onura Publikoko Mendiaren Katalogoko 638 eta 639 zenbakietako mendietan 3 oihan-aprobetxamendu hauek egiteko espedientea:

\* 1. LOTEA.

- Parajeak: Arranoko Harria, Uslaka.
- Espeziea: P.nigra (Larizio).
- Ondoak: 9.588.
- Zuraren bolumena: 0 m<sup>3</sup>.
- Egur txiki/peia bolumena: 1.984,14 m<sup>3</sup>.
- Bolumena, guztira: 1.984,14 m<sup>3</sup>.
- Balorazioa, 11.904,86 €.

\* 2. LOTEA.

- Parajeak: Iasola, Lizarnabarra, Miaia.
- Espeziea: Larix kaempferii (Alertze).
- Ondoak: 287.
- Zuraren bolumena: 187,50 m<sup>3</sup>.
- Egur txiki/peia bolumena: 80,36 m<sup>3</sup>.
- Bolumena, guztira: 267,85 m<sup>3</sup>.
- Balorazioa, 4.392,80 €.

\* 3. LOTEA.

- Parajeak: Askaerreka, Ibardin, Sarralla, Uslaka.
- Espeziea: Quercus rubra (Haritz amerikarra).
- Ondoak: 1.959.
- Zuraren bolumena: 604,87 m<sup>3</sup>.
- Egur txiki/peia bolumena: 780,72 m<sup>3</sup>.
- Bolumena, guztira: 1.385,59 m<sup>3</sup>.
- Balorazioa, 28.325,56 €.

Kontuan hartuta Baso eta Ehiza Zerbitzuko zuzendariaren ekainaren 1eko 270/2021 Ebazpenaren bidez baimentzen dela aipatutako baso-aprobetxamendua.

Azaldutakoan oinarrituta, eta Nafarroako Toki Administrazioari buruzko 6/1990 Foru Legearen 166.1 artikuluan, Nafarroako toki araubidea eguneratzeko 11/2004 Foru Legearen Bosgarren Xedapen Gehigarrian eta Kontratu Publikoei buruzko 2/2018 Foru Legearen 88. artikuluan xedatutakoaren arabera,

**aho batez ERABAKITZEN DA:**

1. Basoko 3 loteen aprobetxamendua enkante publiko bidez saltzea, gutun-azal itxiko prozeduraren bidez.

2. Esleipena arautuko duen baldintza ekonomiko-administratiboen plegua onestea.

3. Enkante honen iragarkia argitaratzea Nafarroako Kontratazio Atarian, Foru Komunitatean argitaratzen diren egunkarietako batean edo gehiagotan, Udaletxeko iragarki-oholean eta udalaren webgunean.

4. Enkantea hutsik geratzen bada, atera bigarren eta hirugarren enkanteetan, %10eko eta %20ko beherapenarekin, hurrenez hurren.

**6. BANDOAK ETA ALKATETZAREN EBAZPENAK.**

PL210616. DATU PERTSONALAK DISOZIATU EGIN DIRA.

Honako bando eta Alkatetzaren ebazpen hauen jakinaren gainean geratu dira:

- Bandoak: B14/2021etik B18/2021 arte.

- Ebazpenak: 117/2021 zenbakiko Ebazpenetik (2021/05/17) 153/2021 zenbakiko Ebazpenera arte (2021/06/11).

**Gai zerrendatik kanpo**, presazkoa dela aho batez aitortu ostean, legeak eskatutako gehiengo osoa betea izanik, honako gai hau eztabaidatu da:

**GORA JOTZEKO 21-00763 ERREKURTSOA, 2021/02/13KO OSOKO BILKURAREN ERABAKIAREN AURKAKOA (2021EKO PLANTILLA ORGANIKOA BEHIN BETIKO ONARTZEAREN AURKAKO BERRAZTERTZEKO ERREKURTSOA EZESTE - LANPOSTU-OSAGARRIA-).**

Ikusirik:

- Nafarroako Administrazio Auzitegiko lehendakariaren probidentzia, 2021eko maiatzaren 31koa, zeinaren bidez Udalari jakinarazten baitzaio 21-00763 zenbakiko gora jotzeko errekurtsua, XXXk jarria Udalbatzak 2021eko otsailaren 13an hartutako erabakiaren aurka. Erabaki horren bidez, ezetsi egin zen 2021eko plantilla organikoaren behin betiko onespeneraren aurka jarritako berraztertzeko errekurtsua (lanpostu-osagarriaren igoera eskatzen zen).

- XXX abokatuak 2021eko ekainaren 16an egindako txostena.

6/1990 Foru Legea garatzen duen Erregelamenduko (279/1990 Foru Dekretua) 12. artikuluan ezarritakoaren arabera,

**aho batez ERABAKITZEN DA:**

1. Aipaturiko txosten idatzia onestea.

2. Adieraztea errekurtsogilea dela interesatu bakarria espedientean eta horregatik ez dela epatzerik egin.

3. Nafarroako Administrazio Auzitegira bidaltzea onetsi den txostena, administrazio espedientearen kopiarekin batera.

**7. ESKAERAK ETA GALDERAK. BESTE UDAL ORGANOEEN KONTROLA.**

Ez dira izan.

Beste aztergairik izan gabe, 20:15ak direnean, alkateak bilera bukatutzat eman du, eta nik, neronek, idazkaria naizenez, ziurtatzen dut.

O.E. ALKATEA,  
Aitor Elexpuru Egaña.

IDAZKARIA,  
Miguel J. Belarra Tellechea.